

## CARDINALITIIS DISPUTATIONIBVS EXAGITANDA IN SCHOLIS

Medicorum die Iouis 20. Martij Clarissimo viro M. Michaële Marefcot

Medico Regio, Moderatore.

Licetne diebus Criticis vacare?

**N**ATVRA vt stirpibus et animalibus suas etates constituit, sic morbis sua tempora: et vt grauiditatis, partus, vita, sic et earum, qua in morbis contingunt, mutationum, statuta sunt et certa periodi. Illa enim vita conseruatrici, et morborum medicatrix, eorum materiam coquit, fecerit et excernit: si sensim, et non: si repente et subito, et non. Idque vel ex natura, si sit vegetior et materia paratior: vel ex dispositione, si infirmior, et humor contumacior. Crisis vero vt perfecta sit, signis coctionis die deperit indicata esse debet, manifesta, fida, secunda, morbo et natura agri conueniens, et die critico fieri. Et quod pauciores ex his notas obtinet, eo imperfectior censenda est.

**E**T ENIM ex his diebus, quos ad crisin morborum natura sibi destinauit, quidam sunt principes, et absolute, vt septimus, decimusquartus, vigesimus. Alij deperit illorum indices: Alij deperit, quibus crises, natura lacescit et irritata, imperfecta sunt. Criticorum vero et indicum ratio, quaternario septenarioque numero definita, non a vi numerorum (qui nullam habent agendi vim) non ab ulla Arithmetica ratione, non a motu humoris melancholici, sed partim a sideribus, partim a nature vi et proprietate, qua septenarijs illis circuitibus multa molitur, repetenda est.

**A**RS Medica non modo natura imitatrix, et adiutrix, sed ea superior, saepe multo maiora quam natura, et sine natura, efficit: humores preparat morbificos, incidit lentos, tenuat crassos, inspissat tenues, et corpora reddit etia. Dein expurgat variis quidem instrumentis, sed maxime cathartici, cum delectu purgantibus (qualia nulla diffillata nouimus) qua noxios humores non contrarietate, non qualitate manifesta, sed totius substantie similitudine, proprios sibi que familiares trahunt, et e corpore excludunt: atque etiam phlebotomia, que venas et arterias, illis per aduersionem coniunctas, prompte facileque deplet: qua idcirco non modo febribus putridis, sed etiam malignis et pestilentibus mirifice confert, et in omnibus internis inflammationibus vere appellatur.

**E**NIM VERO cacochymia cum excrementorum, tum eorum qui in venis continentur succorum, emendatur et exhauritur cathartici: que recepta veterique forma preparata, multo securiora, naturae, nostre magis amica sunt et aduorsa, quam ignea vi et arte chymica incinerata, extracta, separata, diffillata, raro et caute, a docto tantum Medico usurpanda. Phlebotomia vero, non plethora modo, sed et cacochymia tollitur, obstructions citra plenitudinem villam soluantur, fluxiones etiam frigida inbibentur, doloresque omnes etiam a pituita vitrea minuuntur, et humores non ad centrum reuocantur, sed ad circumferentiam corporis euocantur.

**N**ATVRA et Ars Medica, sic in humani corporis salutem, et morborum depulsionem, amice conspirant, vt illa diebus Criticis (qui fere sunt impares) corpus vacuet et moueat; hac diebus paribus, qui propterea Medici dicuntur: ita tamen vt si Crisis, non indicata, non expectetur, aut imperfecta sit, aut difficilis et periculosa, Medicus aut mouere (idque, hora motus nature) aut eius motus adiuuare, et quod natura vergit ducere, Sudores diebus Criticis hidroticis excitare, hemorrhagiam, que minus fida esse solet, secta in cubito vena, imitari, fluentem pigro vel laborioso motu alium blando cathartico infligare, denique etia debeat.

Ergo licet diebus Criticis vacare.

Proponebat Hieronymus Taquet Parisinus. Anno 1597.

